

„Službene novine Federacije BiH“ , broj 55/12 / 27.06.2012/

**ZAKON
O IZMJENAMA I DOPUNAMA ZAKONA O
PENZIJSKOM I INVALIDSKOM OSIGURANJU**

Član 1.

U Zakonu o penzijskom i invalidskom osiguranju ("Službene novine Federacije BiH", br. 29/98, 49/00, 32/01, 73/05, 59/06 i 4/09), (u daljnjem tekstu: Zakon), u članu 77., riječi: "30% od prosječne plaće svih zaposlenih na teritoriji Federacije u prethodnom tromjesečju na osnovu podataka Zavoda", zamjenjuju se riječima: "najniže plaće utvrđene Općim kolektivnim ugovorom za teritorij Federacije Bosne i Hercegovine."

Član 2.

U članu 79. Zakona stav 2. se briše.

Član 3.

Član 129. Zakona se briše.

Član 4.

Iza člana 141. Zakona dodaju se novi čl. 141a., 141b. i 141c. koji glase:

"Član 141a.

Povratnici iz Republike Srpske u Federaciju Bosne i Hercegovine koji su bili korisnici penzija ostvarenih u Društvenom fondu za penzijsko i invalidsko osiguranje Bosne i Hercegovine Sarajevo i kojima je isplata penzija vršena na teritoriji današnje Federacije Bosne i Hercegovine do 30. aprila 1992. godine, od dana podnošenja zahtjeva imaju pravo na penziju kod nosioca osiguranja u Federaciji Bosne i Hercegovine.

Pravo iz stava 1. ovog člana mogu ostvariti osobe koje su se vratile u Federaciju Bosne i Hercegovine i koje su stekle status povratnika u smislu Zakona o raseljenim osobama i povratnicima u Federaciji Bosne i Hercegovine i izbjeglicama iz Bosne i Hercegovine ("Službene novine Federacije BiH", broj 15/05).

Korisnici penzija iz stava 1. ovog člana, kojima je nakon povratka iz Republike Srpske u Federaciju Bosne i Hercegovine, nosilac osiguranja priznao pravo na isplatu penzije, zadržavaju pravo na isplatu penzije i u slučaju ako se kasnije odsele u inostranstvo, a u skladu sa članom 107. Zakona.

Član 141b.

Nosilac osiguranja, u roku od 60. dana od dana stupanja na snagu ovog zakona, donijet će Pravilnik kojim će propisati način, postupak i dokumentaciju neophodnu za ostvarivanje prava iz člana 141a. ovog zakona.

Saglasnost na Pravilnik iz stava 1. ovog člana, daje Vlada Federacije Bosne i Hercegovine.

Član 141c.

Sredstva potrebna za isplatu penzija iz člana 141a. ovog zakona, osiguravat će se iz redovnih doprinosa za penzijsko i invalidsko osiguranje."

Član 5.

Član 151. Zakona mijenja se i glasi:

"Podaci o osiguranicima, obveznicima uplate doprinosa i korisnicima prava iz penzijskog i invalidskog osiguranja uređuju se propisom iz oblasti evidencije o osiguranicima, obveznicima uplate doprinosa i korisnicima prava iz penzijskog i invalidskog osiguranja i propisima kojima se uređuje oblast jedinstvenog sistema registracije, kontrole i naplate doprinosa."

Član 6.

Ovaj zakon stupa na snagu narednog dana od dana objave u "Službenim novinama Federacije BiH".

Predsjedavajuća
Doma naroda
Parlamenta Federacije BiH
Karolina Pavlović

Predsjedavajući
Predstavničkog doma
Parlamenta Federacije BiH

Dr. Denis Zvizdić